

## “TASDIQLAYMAN”

O‘zbekiston Respublikasi  
Raqamli texnologiyalar vaziri,  
Vazirlik Ma’naviyat va ma’rifat  
kengashi raisi



Sh.Shermatov  
2024-yil 15-iyul

### O‘zbekiston Respublikasi Raqamli texnologiyalar vazirligi Ma’naviyat va ma’rifat kengashi yig‘ilishining BAYONI

2024-yil 15-iyul

2-son

Toshkent shahri

**Raislik qiluvchi:** Sh. Shermatov, Raqamli texnologiyalar vaziri, Vazirlik Ma’naviyat va ma’rifat kengashi raisi

**Kengash a’zolari:** O.Pekos, J.Maxsudov, R.Karimjonov, J.Egamberdiyev, D.Rustamov, K.Sabirova, A.Ishanxodjaev, E.Rasulov, Sh.Axmatov, I.Turayev, M.Chulliyeva, F.Anvarov

Kengash raisi yig‘ilish kun tartibini muhokamaga qo‘ydi va Kengash a’zolari tomonidan bir ovozdan qabul qilindi.

### KUN TARTIBI:

#### Raqamli texnologiyalar vazirligi tizimida ma’naviy-ma’rifiy yo‘nalishda 2024-yilning birinchi yarim yilligida amalga oshirilgan ishlar to‘g‘risida

Sh.Shermatov, O.Pekos, J.Maxsudov, R.Karimjonov, J.Egamberdiyev, D.Rustamov, A.Ishanxodjaev, ...,  
Sh.Shermatov

Yig‘ilishni Raqamli texnologiyalar vaziri, Kengash raisi Sh.Shermatov kirish so‘zi bilan ochib, O‘zbekiston Respublikasi Prezidenti Shavkat Mirziyoyev raisligida 2023-yil 22-dekabr kuni o‘tkazilgan Respublika Ma’naviyat va ma’rifat kengashining kengaytirilgan yig‘ilishi o‘tkazilgani va unda ko‘tarilgan masalalarga alohida to‘xtalib o‘tdi.

Jumladan:

respublikamizda ushbu Kengash raisi Prezident, hududlarda esa birinchi rahbarlar hisoblanishi, chunki ilm-fan, ta’lim va tarbiya, ma’naviyat ustuvor masala ekanligini;

mazkur yig‘ilish qarori bilan “Jadid” nomli yangi gazeta tashkil etilganligini;

Prezidentimiz ta'kidlaganidek, bugun ma'naviyat boshqa sohalardan o'n qadam oldinda yurishi, ma'naviyat yangi kuchga, yangi harakatga aylanishi kerakligini;

Vazirlik hamda uning tizimidagi korxona va tashkilotlar har oyning oxirgi shanbasi "Teatr kuni" deb belgilanib, xodimlarning teatrlarga borishi yo'lga qo'yilganligini;

internet adabiyotini rivojlantirish ham muhimligi ta'kidlanib, shu maqsadda adabiyot, kino, tarix, san'at, folklor namunalarini qamrab olgan "O'zbek madaniyati" portali yaratilganini aytib o'tdi.

Bundan tashqari, Raqamli texnologiyalar vazirligi hamda uning tizimidagi korxona va tashkilotlarda ma'naviy-ma'rifiy yo'nalishda amalga oshirilayotgan ishlar yetarli darajada emasligini, bu boradagi ishlarni yanada kuchaytirish zarurligini, shu maqsadda Respublika Ma'naviyat va ma'rifat markazi bilan yaqindan hamkorlik qilish lozimligini, rahbar-xodimlar o'rtasida kitob va kitobxonlik targ'ibotini ommalashtirish kerakligini alohida qayd etdi.

Masala yuzasidan, Vazir maslahatchisi N.Abdullayev so'zga chiqib, "yo'l xaritasi" doirasida amalga oshirilgan ishlar yuzasidan umumlashtirilgan hisobotni taqdim qildi:

2023-yil 28-dekabr kuni Raqamli texnologiyalar vazirligi tomonidan Madaniyat vazirligi, Respublika Ma'naviyat va ma'rifat markazi, O'zbekiston Yozuvchilar uyushmasi bilan hamkorlikda mamlakatimizda raqamlashtirish bo'yicha amalga oshirilgan ishlar, shuningdek, kelgusidagi istiqbolli rejalar yuzasidan taqdimot o'tkazildi.

"Teatr kuni" doirasida Vazirlik Kasaba uyushmasi qo'mitasi tomonidan bir necha teatr bilan o'rnatilgan tartibda shartnoma imzolanib, yanvar (300), mart (110), aprel (300) oylarida chiptalar xarid qilinib, Vazirlik markaziy apparati xodimlariga bepul tarqatildi. Bundan tashqari, Vazirlik tizimidagi korxona va tashkilotlarning 3000 nafardan ortiq xodimlari ham mamlakatimizning turli teatrlariga jalb qilindi.

O'zbekiston Respublikasi Vazirlar Mahkamasi majlisining "2024-yilda "Moziyga sayohat" dasturi doirasida tashriflarni tashkil etishning maqsadli ko'rsatkichlarini tasdiqlash to'g'risida" 2023-yil 11-dekabrda 54-son bayoni ijrosini ta'minlash maqsadida har oy Vazirlik hamda korxona va tashkilotlarning 70 nafar xodimi muzeylarga jalb qilinmoqda.

"Yangi O'zbekiston", "Xalq so'zi", "Xabar" gazetalaridan tashqari "Jahon adabiyoti", "Sharq yulduzi", "Tafakkur" jurnallariga obuna tashkil qilindi.

Vazirlik va tizimdagi korxona hamda tashkilotlarning 50 nafar xodimi Respublika Ma'naviyat va ma'rifat markazi huzuridagi Ijtimoiy-ma'naviy tadqiqotlar instituti tomonidan tashkil qilingan "Ma'naviy hayotimizda yangi kuch, yangi harakatga aylanishi kerak" mavzusidagi ma'naviy-ma'rifiy o'quv kursida 26–29-fevral kunlari onlayn o'qitildi va tegishli sertifikatlar olindi.

Alisher Navoiy nomidagi kino saroyida 9-iyun kuni namoyish etilgan "Jannat onalar oyog'i ostida" badiiy filmi uchun 150 dona chipta xarid qilindi va Vazirlik markaziy apparatining 75 nafar xodimiga tarqatildi.

Raqamli texnologiyalar vazirligi Kasaba uyushmasi qo'mitasi, Inson resurslarini rivojlantirish va boshqarish bo'limi bilan hamkorlikda 2024-yil 22–23-iyun kunlari ichki turizmni rivojlantirish maqsadida Vazirlik markaziy apparatining ixtiyoriy 60 nafar xodimi uchun “Men yurtimni sevaman” shiori ostida Buxoro viloyatida joylashgan ziyoratgohlarga (*Abdulxoliq G'ijduvoni, Orif Revgariy, Mahmud Anjir Fag'naviy, Ali Romitaniy, Muhammad Bobo Sammosiy, Sayyid Amir kulol, Xoja Bahouddin Naqshband*) sayohat tashkil qilindi.

O'zbekiston Respublikasi Prezidenti huzuridagi Davlat xizmatini rivojlantirish agentligi tomonidan o'tkazilgan 26 ta Siyosiy-ma'rifat soatida Vazirlik hamda uning tizimidagi korxona va tashkilotlar xodimlarining ishtiroki ta'minlandi.

Vazirlik tizimidagi korxona va tashkilotlar tomonidan “Jaholatga qarshi ma'rifat” mavzusida hamda Korruptsiya, mahalliychilik kabi salbiy illatlarning oldini olishga qaratilgan tadbirlar o'tkazildi.

14-yanvar – Vatan himoyachilari kuni, 9-fevral – Alisher Navoiy, 14-fevral – Zahiriddin Muhammad Bobur tavalludi, 8-mart – Xalqaro xotin-qizlar kuni, 21-mart – Navro'z umumxalq bayrami, 7-may – Aloqachilar kuni, 9-may – Xotira va qadrlash kuni hamda boshqa muhim sanalar munosabati bilan ma'naviy-ma'rifiy tadbirlar tashkil qilindi.

Respublika Ma'naviyat va ma'rifat markazi bilan hamkorlikda har oyda muhim sanalarga bag'ishlangan targ'ibot materiallari Vazirlik va uning tizimidagi korxona va tashkilotlar xodimlari o'rtasida telegram kanallar orqali keng targ'ib qilindi.

Masala yuzasidan yig'ilish ishtirokchilari o'z taklif va mulohazalarini bildirdi.

Bildirilgan fikr-mulohazalar asosida **kengash qaror qiladi:**

1. Vazir maslahatchisi N.Abdullayevning Raqamli texnologiyalar vazirligi tizimida ma'naviy-ma'rifiy yo'nalishda 2024-yilning birinchi yarim yilligida amalga oshirilgan ishlar to'g'risidagi axboroti ma'lumot uchun qabul qilinsin.

2. Vazirlik hamda tizimdagi korxona va tashkilotlarda ma'naviy-ma'rifiy yo'nalishda olib borilayotgan ishlar yetarli darajada emasligi, mazkur yo'nalishdagi chora-tadbirlarni yanada kuchaytirish zarurligi hamda bu borada Respublika Ma'naviyat va ma'rifat markazi bilan yaqin hamkorlik aloqalarini o'rnatish lozimligi belgilab qo'yilsin.

3. Vazirlik tizimidagi agentlik, inspeksiya, aksiyadorlik kompaniyalari, jamiyatlari, korxona, tashkilot va muassasalar rahbarlari:

O'zbekiston Respublikasi raqamli texnologiyalar vazirligi tizimida ma'naviy-ma'rifiy ishlar samaradorligini oshirish va sohani rivojlantirish bo'yicha 2024-yil uchun “yo'l xaritasi”da keyingi yarim yillik uchun belgilangan vazifalarni o'z vaqtida, sifatli bajarish choralari ko'rsin;

Vazirlikda va tizim tashkilotlarda har oyning oxirgi shanbasi “Teatr kuni” etib belgilanganligi munosabati bilan Vazirlik hamda tizimdagi korxona va tashkilotlar xodimlarining respublikamizning turli teatrlariga tashriflarini faollik bilan davom ettirsin;

xodimlarning kitobga bo'lgan qiziqishini orttirish, ularda kitobxonlik madaniyatini yanada yuksaltirish maqsadida kitob yaramarkalarini tashkil qilsin;

1-sentabr – Mustaqillik kuni, 21-oktabr – O'zbek tili bayrami kuni, 18-noyabr – Davlat bayrog'i kuni, 8-dekabr – Konstitutsiya kuni munosabati bilan taniqli shaxslar ishtirokida xodimlar uchun ma'naviy-ma'rifiy tadbirlar tashkil qilinishini ta'minlasin;

mazkur yo'nalishda amalga oshirilayotgan ishlarning o'z rasmiy veb-saytlari hamda boshqa respublika miqyosidagi OAVda keng yoritilishini tashkil qilsin;

umumalshtirish hamda Respublika ma'naviyat va ma'rifat markaziga taqdim qilish maqsadida har oyning 23-sanasiga qadar ma'naviy-ma'rifiy yo'nalishda amalga oshirilgan ishlar to'g'risidagi ma'lumotlarni Vazirlikka kiritib borsin.

4. Quyidagilar tavsiya etilsin:

“Xabar” gazetasi tahririyati (A.Abdurahmonov)ga Vazirlik hamda uning tizimidagi korxona va tashkilotlar tomonidan ma'naviy-ma'rifiy yo'nalishda amalga oshirilayotgan ishlarni kengroq yoritish;

Vazirlik tizimidagi agentlik, inspeksiya, aksiyadorlik kompaniyalari, jamiyatlari, korxona, tashkilot va muassasalar rahbarlariga “Jahon adabiyoti”, “Sharq yulduzi”, “Tafakkur” jurnallari rahbar-xodimlarning o'zbek va jahon adabiyoti namunalaridan xabardor bo'lishlarini ta'minlashini inobatga olib, ularga obuna tashkil qilish masalaini ko'rib chiqish.

5. Vazir maslahatchisi N.Abdullayev:

mazkur qarori ijrosi ta'minlanishi ustidan doimiy nazorat o'rnatish;

ikkinchi yarim yillikda Vazirlik tomonidan tizimdagi korxona va tashkilotlarda o'tkaziladigan o'rganishlarda ushbu qarorning 3-bandida keltirilgan topshiriqlar ijrosi bo'yicha amalga oshirilgan ishlarni inobatga olsin;

har oyning 25-sanasigacha tizimdagi korxona va tashkilotlar tomonidan taqdim qilingan ma'lumotlarni umumlashtirsin hamda Respublika ma'naviyat va ma'rifat markaziga kiritib borsin.

**Kengash kotibi**



**N.Abdullayev**